



鄭世家第十二 ○史記卷之四十二

鄭桓公友者周厲王少子而宣王庶弟也 徐廣曰年表云

弟宣王立二十二年友初封于鄭 索隱曰鄭縣名屬京兆秦武公

十一年初縣杜鄭是也又系本云桓公居械林徙拾宋忠云械林與拾皆舊地名是封桓公乃名為鄭耳至秦之縣鄭是鄭武公東徙新鄭之後其舊鄭乃是故都故秦始改為縣也出地理志 封三十三歲百姓

皆便愛之幽王以為司徒 韋昭曰幽王八年為司徒索隱曰韋昭據國語以

耳說 和集周民周民皆說河雒之間人便思之

為司徒一歲幽王以褒后故王室治多邪諸侯

或畔之於是桓公問太史伯 虞翻曰曰王室多故

予安逃死乎太史伯對曰獨雒之東土河濟之

東土河濟之

南可居公曰何以對曰地近虢郟徐廣曰虢在成

案虞翻曰虢姬姓東虢也郟姬姓。正義曰括地志云洛州

汜水縣古東虢叔之國東虢君也又云故郟城在鄭州新鄭

縣東北三十二里虢郟之君貪而好利索隱曰鄭語云虢叔恃

又加之以貪冒是也虢叔百姓不附今公為司徒民

皆愛公公誠請居之虢郟之君見公方用事輕

分公地公誠居之虢郟之民皆公之民也公曰

吾欲南之江上何如對曰昔祝融為高辛氏火

正其功大矣而其於周末有興者楚其後也周

衰楚必興與非鄭之利也公曰吾欲居西方向

如索隱曰國語曰公曰謝西之九州何如韋昭云謝申對曰

如伯之國謝西有九州二萬五百家為州其說蓋異此

其民貪而好利難久居公曰周衰何國興者對

曰齊秦晉楚乎夫齊姜姓伯夷之後也伯夷佐

堯典禮秦嬴姓伯翳之後也伯翳佐舜懷柔百

物及楚之先比筮嘗有功於天下而晉武王克紂

後成王封叔虞于唐徐廣曰晉世家曰唐叔虞姓姬氏

後其君曰叔虞何以知然據此系家下文云唐人之季代曰

唐叔虞當武王邑姜方動大叔夢天帝命而子曰虞與之唐

阜郟在密縣

正義曰括地志云洛州

索隱曰鄭語云虢叔恃

勢郟仲恃險皆有驕侈

又加之以貪冒是也虢叔

文王弟郟姬姓之國也

何如韋昭云謝申

其說蓋異此

對曰

徐廣曰晉世家曰唐叔虞姓姬氏

索隱曰唐者古國堯之

後其君曰叔虞何以知然據此系家下文云唐人之季代曰

唐叔虞當武王邑姜方動大叔夢天帝命而子曰虞與之唐

及生有文在手曰虞遂以名之及成王滅唐而國太

叔故因以稱唐叔虞杜預亦曰取唐君之名是也

其地

虞翻曰十邑謂虢郟鄆蔽補丹依

索隱曰國語

云太史伯曰若克二邑鄆蔽補丹依

註皆依國語為記 竟國之地而居之今河南新鄭也 二歲大戎

殺幽王於驪山下并殺桓公鄭人共立其子掘突

突正義曰上求勿反下戶骨反是為武公索隱曰誰周云各突滑皆非也蓋古史失其名太史

公循舊失而妄記之耳何以知其然者按下文其孫昭公名忽厲公名突豈有孫與祖同名乎當是舊史雜記昭厲忽突之名遂誤以掘突

武公十年娶申侯女正義曰括地志云故申城

左傳云鄭武公取於申也為夫人曰武姜生太子寤

生生之難及生夫人弗愛後生少子叔段段生

易夫人愛之徐廣曰年表云十四年生寤生十七年生太叔段二十七年武

公疾夫人請公欲立段為太子公弗聽是歲武

公卒寤生立是為莊公莊公元年封弟段於京

賈逵曰京鄭都邑杜預曰今滎陽京縣號太叔祭仲曰京大於國非所

以封庶也莊公曰武姜欲之我弗敢奪也段至

京繕治甲兵與其母武姜謀襲鄭二十二年段

果襲鄭武姜為內應莊公發兵伐段段走伐京

京人畔段段出走鄆正義曰鄆音烏古反今新鄭縣南鄆頭有村多萬家舊作鄆音偃杜

預云鄆今鄆陵也鄆潰段出奔共賈逵曰共國名也杜預曰今汲

是也於是莊公遷其母武姜於城穎賈逵曰鄭地

疑許州臨穎縣是也折言曰不至黃泉服虔曰天玄地黃泉母相

見也居歲餘已悔思母穎谷之考叔賈逵曰穎谷

日括地志云穎水源自洛州嵩高縣東南三十里陽乾山今俗名穎山泉源出山之東谷其側有古人居處俗名為穎墟

故老云是穎考之故居即有獻於公公賜食考叔曰

臣有母請君食賜臣母莊公曰我甚思母惡負

盟奈何考叔曰穿地至黃泉則相見矣於是遂

從之見母二十四年宋繆公卒公子馮奔鄭鄭

侵周地取禾索隱曰左傳隱三年鄭武公為平王卿

月鄭祭足帥師取温之禾士王貳于號及王崩周人將昇號公政夏四

公自立與宋伐鄭以馮故也二十七年始朝周

桓王桓王怒其取禾弗禮也索隱曰杜預曰桓公即位周鄭交惡至是始朝

九年莊公怒周弗禮與魯易枋許田故言始也左傳又曰周桓公言於王曰我周之東遷晉鄭焉依善鄭以勸來者猶懼不說况不禮焉鄭不來矣

近許之地魯

朝宿之邑妨者鄭所受助祭太山之湯沐邑鄭三十三年

宋殺孔父三十七年莊公不朝周周桓王率陳

蔡虢衛伐鄭莊公與祭仲高渠彌發兵自救索隱

曰左傳稱祭仲足蓋祭是邑其人各仲字仲足故傳云祭封

王師大敗祝瞻射中王臂索隱曰左氏作祝聃祝瞻請從之

鄭伯止之曰犯長且難之况敢陵天子乎乃止

夜令祭仲問王疾三十八年北戎伐齊齊使求

救鄭遣太子忽將兵救齊齊釐公欲妻之忽謝

曰我小國非齊敵也時祭仲與俱勸使取之曰

君多內寵服虔曰言庶子有寵者多太子無大援將不立三公

子皆君也所謂三公子者太子忽其弟突次弟子  
子亶也索隱曰此文則數太子忽及突子亶為三而杜預云不數太子以子突子亶子儀為三蓋得之四  
十三年鄭莊公卒初祭仲甚有寵於莊公莊公  
使為卿公使娶鄧女生太子忽故祭仲立之是  
為昭公莊公又娶宋雍氏女賈逵曰雍氏黃帝之孫姑姓之後為宋大夫  
生厲公突雍氏有寵於宋服虔曰為宋正卿故曰有寵宋莊公  
聞祭仲之立忽乃使人誘召祭仲而執之曰不  
立突將死亦執突以求賂焉祭仲許宋與宋盟  
以突歸立之昭公忽聞祭仲以宋要立其弟突  
九月辛亥忽出奔衛巳亥突至鄭立是為厲公

厲公四年祭仲專國政厲公患之陰使其壻雍

糾欲殺祭仲賈逵曰雍糾鄭大夫糾妻祭仲女也知之謂其

母曰父與夫孰親母曰父一而已人盡夫也杜預

曰婦人在室則天父出則天夫女以為疑故母以所生為本解之女乃告祭仲祭仲反

殺雍糾戮之於市厲公無奈祭仲何怒糾曰謀

及婦人死固宜哉夏厲公出居邊邑宋衷曰今

縣。索隱曰按櫟音歷即鄭初得十邑之歷也祭仲迎昭公忽六月乙亥復

入鄭即位秋鄭厲公突因櫟人殺其大夫單伯

杜預曰鄭守櫟大夫也。索隱曰依左傳作擅伯事在桓十五年此文誤為單伯者蓋亦有所因也按魯莊公十四年厲公自櫟侵鄭事與單伯會齊師伐宋相連故知誤耳遂居之諸侯聞厲公出奔

伐鄭弗克而去宋頗予厲公兵自守於櫟鄭以故亦不伐櫟昭公二年自昭公為太子時父莊公秋以高渠彌為卿太子忽惡之莊公弗聽卒用渠彌為卿及昭公即位懼其殺已冬十月辛卯渠彌與昭公出獵射殺昭公於野祭仲與渠彌不敢入厲公乃更立昭公弟子亶為君是為子亶也無諡號子亶元年七月齊襄公會諸侯於首止服虔曰首止近鄭之地杜預曰首止衛地陳留襄邑縣東南有首鄉鄭子亶往會高渠彌相從祭仲稱疾不行所以然者子亶自齊襄公為公子之時嘗會鬪相仇及會諸侯祭

仲請子亶無行子亶曰齊疆而厲公居櫟即不

往是率諸侯伐我內厲公我不如往往何遽必

辱且又何至是卒行於是祭仲恐齊并殺之故

稱疾子亶至不謝齊侯齊侯怒遂伏甲而殺子

亶高渠彌亡歸索隱曰左氏云轅高渠彌歸與祭仲謀召子亶

弟公子嬰於陳而立之是為鄭子索隱曰左氏以鄭子各子儀此

云嬰蓋別有所見是歲齊襄公使彭生醉拉殺魯桓公鄭

子八年齊人管至父等作亂弒其君襄公十二年

宋人長萬弒其君湣公鄭祭仲死十四年故

鄭亡厲公突在櫟者使人誘劫鄭大夫南瑕要

以求入索隱曰左傳作傳瑕此本多假借亦依字讀瑕曰舍我我為君殺

鄭子而入君厲公與盟乃舍之六月甲子瑕殺

鄭子及其二子而迎厲公突突自櫟復入即位

初內蛇與外蛇鬪於鄭南門中內蛇死居六年

厲公果復入入而讓其伯父原索隱曰左傳謂之原斂曰我

亡國外居伯父無意入我亦甚矣原曰事君無

二心人臣之職也原知罪矣遂自殺厲公於是

謂甫瑕曰子之事君有二心矣遂誅之瑕曰重

德不報誠然哉厲公突後元年齊桓公始霸

五年燕衛與周惠王弟頹伐王索隱曰惠王莊王孫僖王子子頹莊

王之妾王姚所生王出奔温立弟頹為王六年惠

王告急鄭厲公發兵擊周王子頹弗勝於是與

周惠王歸王居于櫟七年春鄭厲公與虢叔襲

殺王子頹而入惠王于周秋厲公卒子文公躒

立索隱曰躒音在接反系本云文公徙鄭宋忠云即新鄭也厲公初立四歲亡居

櫟居櫟十七歲復入立七歲與亡凡二十八年

文公十七年齊桓公以兵破蔡遂伐楚至召陵

二十四年文公之賤妾曰燕姑賈逵曰姑南燕姓夢天與

之蘭賈逵曰香名也曰余為伯條余爾祖也賈逵曰伯條南燕祖以

是為而子王肅曰以是蘭也為汝子之名蘭有國香以夢告文公



文公幸之而予之草蘭為符遂生子名曰蘭三  
十六年晉公子重耳過文公弗禮文公弟叔詹  
曰重耳賢且又同姓窮而過君不可無禮文公  
曰諸侯亡公子過者多矣安能盡禮之詹曰君  
如弗禮遂殺之弗殺使即反國為鄭憂矣文公  
弗聽三十七年春晉公子重耳反國立是為文  
公秋鄭入滑滑聽命已而反與衛於是鄭伐滑  
索隱曰左傳僖二十四年鄭公子士泄堵俞弼帥師伐滑曰捕音服左氏王使伯服游孫伯如鄭請滑杜預云二子周大夫知伯捕即伯服也鄭文公怨惠  
王之亡在櫟而文公父厲公入之而惠王不賜

厲公爵祿

索隱曰此言爵祿與左氏說異左傳云鄭伯享爵酒器非爵祿也王王以后之盤盞鑑與之號公請器王予之爵則故曰與左氏說異

又怨襄王之與衛滑故不聽襄  
王請而囚伯捕王怒與翟人伐鄭弗克冬翟攻  
伐襄王襄王出奔鄭鄭文公居王于汜三十八  
年晉文公入襄王成周四十一年助楚擊晉自  
晉文公之過無禮故背晉助楚四十二年晉文  
公與秦穆公共圍鄭討其助楚攻晉者及文公  
過時之無禮也初鄭文公有三夫人寵子五人  
皆以罪蚤死公怒漑徐廣曰一作瑕○索隱曰音既左傳作瑕逐羣公子  
子蘭奔晉從晉文公圍鄭時蘭事晉文公甚謹

愛幸之乃私於晉以求入鄭爲太子晉於是欲  
得叔詹爲後鄭文公恐不敢謂叔詹言詹聞言  
於鄭君曰臣謂君君不聽臣晉卒爲患然晉所  
以圍鄭以詹詹死而赦鄭國詹之願也乃自殺  
鄭人以詹尸與晉晉文公曰必欲一見鄭君辱  
之而去鄭人患之乃使人私於秦曰破鄭益晉  
非秦之利也秦兵罷晉文公欲入蘭爲太子以  
告鄭鄭大夫石癸曰吾聞姑姓乃后稷之元妃  
杜預曰姑姓之  
女爲后稷妃其後當有興者子蘭毋其後也且  
夫人子盡已死餘庶子無如蘭蘭賢今圍急晉以

爲請利執大馬遂許晉與盟卒而立子蘭爲太  
子晉兵乃罷去四十五年文公卒子蘭立是爲  
繆公繆公元年春秦繆公使三將將兵欲襲鄭  
至滑逢鄭賈人弦高詐以十二牛勞軍故秦兵  
不至而還晉敗之於峭初往年鄭文公之卒也  
鄭司城繒賀以鄭情賣之秦兵故來三年鄭發  
兵從晉伐秦敗秦兵於汪往年徐廣曰繆  
公之二年楚太子  
商臣弒其父成王代立二十一年與宋華元伐  
鄭華元殺羊食士不與其御羊斟怒以馳鄭鄭  
囚華元宋贖華元元亦亡去晉使趙穿以兵伐

鄭二十二年鄭繆公卒子夷立是為靈公靈公

元年春楚獻鼃於靈公子家子公將朝靈公

曰二子鄭卿也子公之食拍動服虔曰謂子家曰侂日

指動必食異物及入見靈公進鼃羹子公笑曰

果然靈公問其笑故具告靈公靈公召之獨弗

予羹子公怒染其指左傳曰染指於鼎嘗之而出公怒欲

殺子公子公與子家謀先夏弑靈公鄭人欲立

靈公弟去疾去疾讓曰必以賢則去疾不肖必

以順則公子堅長堅者靈公庶弟徐廣曰年表云靈公庶兄去

疾之兄也於是乃立子堅是為襄公襄公立將

盡去繆氏繆氏者殺靈公子公之族家也去疾

曰必去繆氏我將去之乃止皆以為大夫襄公

元年楚怒鄭受宋賂縱華元伐鄭鄭皆楚與晉

親五年楚復伐鄭晉來救之六年子家卒國人

復逐其族以其弑靈公也七年鄭與晉盟鄆陵

八年楚莊王以鄭與晉盟來伐圍鄭三月鄭以

城降楚楚王入自皇門鄭襄公肉袒擊羊以迎

曰孤不能事邊邑使君王懷怒以及弊邑孤之

罪也敢不惟命是聽君王遷之江南及以賜諸

侯亦惟命是聽若君王不忘厲宣王桓武公哀

不忍絕其社稷錫不毛之地何休曰境埽不生五穀曰不毛謙不敢求肥饒使復得改事君王孤之願也然非所敢望也敢布腹心惟命是聽莊王為却三十里而後舍楚羣臣曰自郢至此士大夫亦以勞矣今得國舍之何如莊王曰所為伐伐不服也今已服尚何求乎卒去晉聞楚之伐鄭發兵救鄭其來持兩端故遲比至河楚兵已去晉將率或欲渡或從還卒渡河莊王聞還擊晉鄭反助楚大破晉軍於河上十年晉來伐鄭以其反晉而親楚也十一年楚莊王伐宋宋告急于晉晉景公欲發兵

救宋伯宗諫晉君曰天方開楚未可伐也乃求壯士得霍人解揚字子虎誑楚令宋毋降過鄭鄭與楚親乃執解揚而獻楚楚王厚賜與約使反其言令宋趣降三要乃許於是楚登解揚樓車服虔曰樓車所以窺望敵軍兵法所謂雲梯也杜預曰樓車車上望櫓也令呼宋遂負楚約而致其晉君命曰晉方悉國兵以救宋宋雖急慎毋降楚晉兵今至矣楚莊王大怒將殺之解揚曰君能制命為義臣能承命為信受吾君命以出有死無隕服虔曰隕墜也莊王曰若之許我已而背之其信安在解揚曰所以許王欲以成吾

君命也將死顧謂楚軍曰為人臣毋忘盡忠得  
死者楚王諸弟皆諫王赦之於是赦解揚使歸  
晉爵之為上卿十八年襄公卒子悼公潰立索隱曰潰音許  
曰潰音秘鄰本一作弗一作弗左傳作費音扶味反悼公元年鄆公徐廣曰音許許公靈公也  
惡鄭於楚悼公使弟踰於楚自訟索隱曰踰音公遂反訟不  
直楚囚踰於是鄭悼公來與晉平遂親踰私於  
楚子反子反言歸踰於鄭二年楚伐鄭晉兵來  
救是歲悼公卒立其弟踰是為成公成公三年  
楚共王曰鄭成公孤有德焉使人來與盟成公  
私與盟秋成公朝晉晉曰鄭私平於楚執之使

繼書伐鄭四年春鄭患晉圍公子如乃立成公

庶兄繻為君索隱曰繻音須鄭氏云一作纏其四月晉聞鄭立君

乃歸成公鄭人聞成公歸亦殺君繻迎成公晉

兵去十年背晉盟盟於楚晉厲公怒發兵伐鄭

楚共王救鄭晉楚戰鄆陵楚兵敗晉射傷楚共

王目俱罷而去十三年晉悼公伐鄭兵於洧上

服虔曰洧水名。正義曰括地志云洧水在鄭州新鄭縣北  
三里古新鄭城南韓詩外傳云鄭俗二月桃花水出時會於  
溱洧水上以自被除按鄭城守晉亦去十四年成公

卒子憚立是為釐公索隱曰憚音紆粉反左傳作鬯原釐公五年

鄭相子駟朝釐公釐公不禮子駟怒使厨人藥

殺釐公

徐廣曰年表云子駟使賊夜弑僖公

赴諸侯曰釐公暴病卒

立釐公子嘉嘉時年五歲是為簡公簡公元年

諸公子謀欲誅相子駟子駟覺之反盡誅諸公

子二年晉伐鄭鄭與盟晉去冬又與楚盟子駟

畏誅故兩親晉楚二年相子駟欲自立為君公

子子孔使尉止殺相子駟而代之子孔又欲自

立子產曰子駟為不可誅之今又效之是亂無

時息也於是子孔從之而相鄭簡公四年晉怒

鄭與楚盟伐鄭鄭與盟楚共王救鄭敗晉兵簡

公欲與晉平楚又囚鄭使者十二年簡公怒相

子孔專國權誅之而以子產為卿十九年簡公

如晉請衛君還而封子產以六邑

服虔曰四井為邑

子產

讓受其三邑二十二年吳使延陵季子於鄭見

子產如舊交謂子產曰鄭之執政者侈難將至

政將及子子為政必以禮不然鄭將敗子產厚

遇季子二十三年諸公子爭寵相殺又欲殺子

產公子或諫曰子產仁人鄭所以存者子產也

勿殺乃止二十五年鄭使子產於晉問平公疾

平公曰卜而曰實沉臺駘為祟史官莫知敢問

對曰高辛氏有二子長曰閼伯季曰實沉居曠

林賈逵曰不相能也日操干戈以相征伐后帝弗

臧賈逵曰后帝遷闕伯于商丘主辰賈逵曰商丘在

丘宋地服虔曰辰大火主祀也商人是因故辰為商星服虔曰商人

始祖相土封闕伯之故遷實沉于大夏主參服虔曰大

地因其故國而代之唐人是因服事夏商謂陶唐氏之

之間主祀參星杜預唐人是因服事夏商謂陶唐氏之

曰大夏今晉陽縣唐人是因服事夏商謂陶唐氏之

亂劉累也事夏帝孔甲封于大夏因實沉之國子孫以服事

商也。正義曰括地志云故唐城在絳州翼城縣西二十里

徐才宗國都城記云唐因帝堯之裔商子所封春秋云夏孔甲

時有堯苗胄劉累者以豢龍事孔甲夏后嘉之賜曰御龍氏

以遷于魯縣夏后蓋別封劉累之後于夏之墟為唐侯至周

成王時唐人作亂成王滅之而封大叔遷唐人之子孫於杜謂

之杜伯范氏所在周為唐杜氏地記云唐氏在大夏之墟屬

河東安縣今在絳城西北一百里有唐城其季世曰唐

者以為唐舊國然則叔虞之封即此地也

叔虞杜預曰唐人之季當武王邑姜方娠大叔夢

帝謂已賈逵曰帝天余命而子曰虞杜預曰取乃與

之唐屬之參而蕃育其子孫及生有文在其掌

曰虞遂以命之及成王滅唐而國太叔焉故參

為晉星賈逵曰晉主祀由是觀之則實沉參神也

昔金天氏有商稷子曰昧為玄冥師服虔曰金天少

也師長也昧為水官之長生允格臺駘服虔曰允格臺駘能業

其官服虔曰脩宣汾洮賈逵曰宣猶通障大澤服

曰陂障其水也以處太原服虔曰太原汾水各杜預曰帝用

嘉之國之汾川服虔曰帝沈妣蓀黃實守其祀

賈逵曰四國

今晉王汾川而滅之

賈逵曰滅四國

由是觀

之則臺駘汾洮神也然是二者不害君身山川

之神則水旱之菑

服虔曰祭為營擗用幣也若有水旱則祭山川之神以

祈福也

日月星辰之神則雪霜風雨不時祭之若

君疾飲食哀樂女色所生也平公及叔嚮曰善

博物君子也厚為之禮於子產二十七年夏鄭

簡公朝晉冬畏楚靈王之彊又朝楚子產從二

十八年鄭君病使子產會諸侯與楚靈王盟於

申誅齊慶封二十六年簡公卒子定公寧立秋

定公朝晉昭公元年楚公子棄疾弑其君

靈王而自立為平王欲行德諸侯歸靈王所侵

鄭地于鄭四年晉昭公卒其六卿彊公室卑子

產謂韓宣子曰為政必以德毋忘所以立六年

鄭火公欲禳之子產曰不如脩德八年楚太子

建來奔十年太子建與晉謀襲鄭鄭殺建建子

勝奔吳十一年定公如晉晉與鄭謀誅周亂臣

入敬王于周

索隱曰王避弟子朝之亂出居狄泉在昭二十三年至二十六年晉鄭入之經曰天王入

于成周是也

十三年定公卒子獻公萬立獻公十三

年卒子聲公勝立當是時晉六卿彊侵奪鄭鄭

遂弱聲公五年鄭相子產卒

正義曰括地志云子產墓在新鄭縣西南二十



五里鄺元注水經云子產墓在涇水上累石鄭人皆哭

泣悲之如云親戚子產者鄭成公少子也為人

仁愛人事君忠厚孔子嘗過鄭與子產如兄弟

云及聞子產死孔子為泣曰古之遺愛也賈逵曰

杜預曰子產見愛有古人遺風也兄事子產八年晉范中行氏反

晉告急於鄭鄭救之晉伐鄭敗鄭軍於鐵杜預曰

鐵丘正義曰括地志云鐵州在滑州衛南縣東南十五里十四年宋景公滅曹

二十年齊田常弒其君簡公而常相於齊二十

二年楚惠王滅陳孔子卒二十六年晉知伯伐

鄭取九邑三十七年聲公卒子哀公易立年表云

三十八

年哀公八年鄭人弒哀公而立聲公弟丑是為

共公共公三年晉滅知伯三十年共公卒子幽

公已立幽公元年韓武子伐鄭殺幽公鄭人立

幽公弟駘是為繻公年表曰鄭立幽公繻公十五年

韓景侯伐鄭取雍丘鄭城京十六年鄭伐韓敗

韓兵於負黍徐廣曰在陽城正義曰括地志云負黍亭在洛州陽城縣西南二十五里故國邑也

二十年韓趙魏列為諸侯二十三年鄭圍韓之

陽翟二十五年鄭君殺其相子陽二十七年子

陽之黨共弒繻公駘而立幽公弟乙為君是為

鄭君徐廣曰一本云立幽公弟乙陽為君是為康公六國年表云立幽公子駘又以鄭君陽為鄭康公乙班固

云鄭康公乙  
為韓所滅  
鄭君乙立二年鄭負黍友復歸韓十  
一年韓伐鄭取陽城二十一年韓哀侯滅鄭并  
其國

太史公曰語有之以權利合者權利盡而交踈  
甫瑕是也甫瑕雖以劫殺鄭子內厲公厲公終  
背而殺之此與晉之里克何異守節如荀息身  
死而不能存奚齊變所從來亦多故矣

索隱述贊曰

厲王之子

得封於鄭

代職司徒

緇衣在詠

虢鄆獻邑

祭足專命

莊既犯王

厲亦奔命

居櫟克入

夢蘭疏慶

伯服生囚

叔瞻尸聘

釐簡之後

公室不競

負黍雖還

韓哀日盛

鄭世家 ○ 史記卷之四十二

趙世家第十三 ○史記卷之四十三

趙氏之先與秦共祖至中衍正義曰中音仲為帝大戊

御其後世蜚廉有子二人而命其一子曰惡來

事紂為周所殺其後為秦惡來弟曰季勝其後

為趙季勝生孟增孟增幸於周成王是為宅臯

狼徐廣曰或云臯狼地名在西河○索隱曰按如此說是名孟增號宅臯狼而徐廣云臯狼地名在西河者按地理志

臯狼是西河郡之縣名蓋孟增幸於周成王成王居之於臯狼故云臯狼臯狼生衡父衡父

生造父造父幸於周繆王造父取驥之乘匹正義

曰乘食證反並四曰乘兩曰與桃林正義曰括地志云桃林在陝州桃林縣西

至潼關皆為桃林塞地山海經云夸父之山北有林焉名曰桃林廣闊二百里中多馬造父於此得驥騶耳之乘獻周

穆王次血驪驊騮綠耳獻之繆王索隱曰言造父取八駿品其色齊其分使

乘並兩日匹繆王使造父御西巡狩見西王母

樂之忘歸索隱曰穆天子傳曰穆王與西王母觴於瑤池之上作歌是樂而忘歸也而譙周不信此事而

云余常聞之代俗以東西陰陽所出入宗其據乎而徐偃王反

正義曰括地志云徐偃王城在泗州徐城縣北三十里古之徐國也博物志云徐君宮人娠生知以為不祥棄於水濱孤獨

母有犬名鵠倉街所棄知以歸覆煖之遂成小兒生偃王故

宮人聞之更收養之及長龍鬣為徐君後鵠倉臨死生角而九

尾實黃龍也鵠繆王日馳千里馬攻徐偃王大破

倉或各后倉也索隱曰譙周曰徐偃王與楚文王同時去周穆王遠矣且

之王者行有周衛豈聞亂而獨長駘日行千里乎並言此事

非實乃賜造父以趙城正義曰晉州趙城由此為

趙氏自造父已下六世至奄父曰公公仲周宣王

時伐戎為御及千畝戰正義曰括地志云千畝原在晉州岳陽縣北九十里也

奄父脫宣王奄父生叔帶叔帶之時周幽王無

道去周如晉事晉文侯始建趙氏于晉國自叔

帶以下趙宗益興五世而生趙夙趙夙晉獻公

之十六年伐霍隗魏耿而趙夙為將伐霍霍公求

犇齊徐廣曰求一作來晉大旱卜之曰霍太山為祟使

趙夙召霍君於齊復之以奉霍太山之祀晉復

穰晉獻公賜趙夙耿索隱曰今河東皮氏縣耿鄉夙生共子孟當

魯閔公之元年也共孟生趙衰字子餘索隱曰系本云公明

生共孟及趙夙夙生成季衰衰生宣孟皆左傳云趙衰卜

衰趙夙弟而此云共孟生衰譙周亦以此為誤

事晉獻公及諸公子莫吉卜事公子重耳吉即  
事重耳重耳以驪姬之亂亡奔翟趙衰從翟伐  
唐咎如得二女翟以其少女妻重耳長女妻趙  
衰而生盾初重耳在晉時趙衰妻亦生趙同趙  
括趙嬰齊趙衰從重耳出亡凡十九年得反國  
重耳為晉文公趙衰為原大夫居原任國政

曰系本云成季徙原宋忠云今鴈門平原縣也。正義曰括地志云原平故城漢原平縣也在代州崞縣南三十五里音郭按宋忠說非也括地志云故原城在懷州濟原縣西北二里左傳云襄王以原賜晉文公原不服文公伐原以示信原降以趙衰為原大夫即此也原本周畿內邑也

文公所以反國及霸多趙衰計策語在晉事中趙衰既反晉晉之妻固

迎翟妻而以其子盾為適嗣晉妻三子皆下事  
之晉襄公之六年而趙衰卒謚為成季趙盾代  
成季任國政二年而晉襄公卒太子夷臯年少  
盾為國多難欲立襄公弟雍雍時在秦使使迎  
之太子母日夜啼泣索隱曰頃首謂趙盾曰先君何罪釋其適子而更求君趙盾患之恐其宗與大夫龍衰誅之廼遂立太子是為靈公發兵距所迎襄公弟於秦者靈公既立趙盾益專國政靈公立十四年益驕趙盾驟諫靈公弗聽及食熊蹯肺不熟殺宰人持其尸出趙盾見之靈公由

此懼欲殺盾盾素仁愛人嘗所食桑下餓人反  
扞救盾盾以得亡未出境而趙穿弒靈公而立  
襄公弟黑臀是為成公趙盾復反任國政君子  
譏盾為正卿亡不出境反不討賊故太史書曰  
趙盾弒其君晉景公時索隱曰成公之子名據而趙盾卒謚  
為宣孟子朔嗣趙朔晉景公之三年朔為晉將  
下軍救鄭與楚莊王戰河上朔娶晉成公姊為  
夫人晉景公之三年大夫屠岸賈欲誅趙氏徐廣  
曰按年表救鄭及誅滅皆景公三年初趙盾在時夢見叔帶持要而  
哭甚悲已而笑拊手且歌盾卜之兆絕而後好

趙史援占之曰此夢甚惡非君之身乃君之子  
然亦君之咎至孫趙將世益衰屠岸賈者始有  
寵於靈公及至於景公而賈為司寇將作難乃  
治靈公之賊以致趙盾徧告諸將曰盾雖不知  
猶為賊首以臣弒君子孫在朝何以懲臯請誅  
之韓厥曰靈公遇賊趙盾在外吾先君以為無  
罪故不誅今諸君將誅其後是非先君之意而  
今妄誅妄誅謂之亂臣有大事而君不聞是無  
君也屠岸賈不聽韓厥告趙朔趙朔不肯曰  
子必不絕趙祀朔死不恨韓厥許諾稱疾不出

賈不請而擅與諸將攻趙氏於下宮殺趙朔趙同趙括趙嬰齊皆滅其族趙朔妻成公姊有遺腹走公宮匿趙朔客曰公孫杵曰杵曰謂朔友人程嬰曰胡不死程嬰曰朔之婦有遺腹若幸而男吾奉之即女也吾徐死耳居無何而朔婦免身生男屠岸賈聞之索於宮中夫人置兒絝中祝曰趙宗滅乎若號即不滅若無聲及索兒竟無聲已脫程嬰謂公孫杵曰曰今一索不得後必且復索之奈何公孫杵曰曰立孤與死孰難程嬰曰死易立孤難耳公孫杵曰曰趙氏先

君遇子厚子彊為其難者吾為其易者請先死

乃二人謀取他人嬰兒負之衣以文葆

徐廣曰小兒被曰葆

匿山中程嬰女出謬謂諸將軍曰嬰不肖不能立趙孤誰能與我千金吾告趙氏孤處諸將皆喜許之發師隨程嬰攻公孫杵曰杵曰謬曰小人哉程嬰昔下宮之難不能死與我謀匿趙氏孤兒今又賣我縱不能立而忍賣之乎抱兒呼曰天乎天乎趙氏孤兒何罪請活之獨殺杵曰可也諸將不許遂殺杵曰與孤兒諸將以為趙氏孤兒良已死皆喜然趙氏真孤乃反在程嬰卒

與俱匿山中居十五年晉景公疾卜之大業之  
後不遂者為崇景公問韓厥厥知趙孤在乃曰  
大業之後在晉絕祀者其趙氏乎夫自中衍者  
皆嬴姓也中衍人面鳥喙降佐殷帝大戊及周  
天子皆有明德下及幽厲無道而叔帶去周適  
晉事先君文侯至于成公世有立功未嘗絕祀  
今吾君獨滅趙宗國人哀之故見龜策唯君圖  
之景公問趙尚有後子孫乎韓厥具以實告於  
是景公乃與韓厥謀立趙孤兒召而匿之宮中  
諸將入問疾景公因韓厥之衆以脅諸將而見

趙孤趙孤名曰武諸將不得已乃曰昔下宮之  
難屠岸賈為之矯以君命并命羣臣非然孰敢  
作難微君之疾羣臣固且請立趙後今君有命  
羣臣之願也於是召趙武程嬰徧拜諸將遂反  
與程嬰趙武攻屠岸賈滅其族復與趙武田邑  
如故徐廣曰推次晉復與趙武田邑是景公之十七年也而乃是春秋成公八年經書晉殺其大夫趙同趙括左傳於此說立趙武事者及趙武冠為成人程嬰乃註云然說之耳非此年也辭諸大夫謂趙武曰昔下宮之難皆能死我非不能死我思立趙氏之後今趙武既立為成人復故位我將下報趙宣孟與公孫杵曰趙武啼



泣頓首固請曰武願苦筋骨以報子至死而子  
忍去我死乎程嬰曰不可彼以我為能成事故  
先我死今我不報是以我事為不成遂自殺趙  
武服齊衰三年為之祭邑春秋祠之世世勿絕  
新序曰程嬰公孫杵曰可謂信友厚士矣嬰之自殺下報亦  
過矣○正義曰今河東趙氏祠先人猶別寄一座祭二士矣  
趙氏復位十一年而晉厲公殺其大夫三卻欒  
書畏及乃遂弑其君厲公更立襄公曾孫周徐  
曰年表云襄公孫也○索隱曰晉系家云襄公少子各周是為悼公晉由此大夫  
稍彊趙武續趙宗二十七年晉平公立平公十  
二年而趙武為正卿十三年吳延陵季子使於

晉曰晉國之政卒歸於趙武子韓宣子魏獻子

之後矣趙武死謚為文子文子生景叔索隱曰系本云景叔

成景叔之時齊景公使晏嬰於晉徐廣曰平公晏之十九年

嬰與晉叔向語嬰曰齊之政後卒歸田氏叔向

亦曰晉國之政將歸六卿六卿侈矣而吾君不

能恤也趙景叔卒生趙鞅是為簡子趙簡子在

位晉頃公之九年簡子將合諸侯成于周其明

年入周敬王于周辟弟子朝之故也晉頃公之

十二年六卿以法誅公族祁氏羊舌氏分其邑

為十縣六卿各令其族為之大夫晉公室由此

益弱後十三年魯賊臣陽虎來奔趙簡子受賂  
厚遇之趙簡子疾五日不知人大夫皆懼醫扁  
鵲視之出董安于問韋昭曰安于簡子家臣扁鵲曰血脉治  
也而何怪在昔秦繆公嘗如此七日而寤寤之  
日告公孫支與子輿索隱曰二子秦大夫公孫支子桑曰我之帝所  
甚樂吾所以久者適有學也帝告我晉國將大  
亂五世不安其後將霸未老而死霸者之子且  
令而國男女無別公孫支書而藏之索隱曰藏一作籍籍錄也  
謂當時即記錄書之於籍也秦識於是出矣獻公之亂文公之  
霸而襄公敗秦師於穀而歸縱淫此子之所聞

今主君之疾與之同不出三日疾必間間必有  
言也居二日半簡子寤語大夫曰我之帝所甚  
樂與百神游於鈞天廣樂九奏萬舞不類三代  
之樂其聲動人心有一熊欲來援我帝命我射  
之中熊能死又有一熊來我又射之中罷罷死  
帝甚喜賜我二笥皆有副吾見兒在帝側帝屬  
我一翟犬曰及而子之壯也以賜之帝告我晉  
國且世衰七世而亡正義曰謂晉定公出公哀公幽公  
為三晉所滅據此及年表嬴姓將大敗周人於范魁  
之西正義曰嬴趙姓也周人謂衛也晉云之後趙成侯而  
簡公子疾在定公十一年是也賈逵云川阜曰魁也

亦不能有也

索隱曰范魁地名不知所在蓋趙地也

今余思虞舜之勲

適余將以其胄女孟姚配而七世之孫

索隱曰即姓孟吳廣

之女姚姓孟字也七代孫武靈王也

董安于受言而書藏之以扁鵲

言告簡子簡子賜扁鵲田四萬畝他日簡子出

有人當道辟之不去從者怒將刃之當道者曰

吾欲有謁於主君從者以聞簡子召之曰諶吾

有所見子晰也

索隱曰簡子見當道者乃寤曰諶是當道者曰屏左右願有謁簡子屏人當道者曰主

君之疾臣在帝側簡子曰然有之子之見我我

何為當道者曰帝令主君射能與罷能且死簡子

曰是且何也當道者曰晉國且有難主君首

之帝令主君減二卿夫能與罷能皆其祖也

正義曰范氏中行氏之祖也簡子曰帝賜我二笥皆有副何也

正義曰副謂皆子姓也當道者曰主君之子將克二國於翟皆子姓

也正義曰謂代及智氏也簡子曰吾見兒在帝側帝屬我一

翟犬曰及而子之長以賜之夫兒何謂以賜翟

犬當道者曰兒主君之子也翟犬者代之先也

主君之子且必有代及主君之後嗣且有革政

而胡服正義曰今時服也發除裘裳也并二國於翟

正義曰武靈王略中山地至寧

葭西略胡地至樓煩榆中是也簡子問其姓而延之以官當道者

曰是且何也當道者曰晉國且有難主君首

之帝令主君減二卿夫能與罷能皆其祖也

曰臣野人致帝命耳遂不見簡子書藏之府異  
日姑布子卿見簡子司馬彪曰姑布姓子卿字簡子徧召諸子  
相之子卿曰無為將軍者簡子曰趙氏其滅乎  
子卿曰吾嘗見一子於路殆君之子也簡子召  
子母卹母卹至則子卿起曰此真將軍矣簡子  
曰此其母賤翟婢也奚道貴哉子卿曰天所授  
雖賤必貴自是之後簡子盡召諸子與語母卹  
最賢簡子乃告諸子曰吾藏寶符於常山上先  
得者賞諸子馳之常山上求無所得母卹還曰  
已得符矣簡子曰奏之母卹曰從常山上臨代

代可取也

正義曰地道記云恒山在上曲陽縣西北百四十里北行四百五十里得恒山峽号飛狐口北

則代郡也簡子於是知母卹果賢乃廢太子伯魯而

以母卹為太子後二年晉定公之十四年范中

行作亂明年春簡子謂邯鄲大夫午曰歸我衛

士五百家吾將置之晉陽服虔曰往年趙鞅圍衛衛人恐懼故貢五百家鞅置

之邯鄲又欲更徙於晉陽午許諾歸而其父兄不聽服虔曰午之

鄲中長老倍言趙鞅捕午囚之晉陽乃告邯鄲人曰

我私有誅午也諸君欲誰立杜預曰午趙鞅同族別封邯鄲故使邯鄲人更

立午宗親也遂殺午趙稷涉賔以邯鄲反服虔曰稷晉

君使籍秦圍邯鄲左傳曰籍秦此時為上軍司馬索隱曰系本籍秦晉大夫籍游之孫籍

談之荀寅范吉射與午善左傳曰午荀寅之甥荀寅

本云晉大夫逝邀生桓伯林父林父生宣伯庚庚生獻伯偃

偃生穆伯吳吳生寅本姓荀自荀偃將中軍晉改中軍曰中行因氏焉元與智氏同祖逝邀故智氏亦稱荀范氏晉大夫

燮生宣叔叔自生獻不肯助秦而謀作亂董安于

知之十月范中行氏正義曰按會食邑於范因為范氏

又中行寅本姓荀自荀偃將中軍

之范吉射荀寅仇人魏襄等謀逐荀寅以梁嬰

父代之賈逵曰梁嬰父晉大夫也逐吉射以范臯繹代之服虔曰

側室荀躒言於晉侯曰服虔曰荀躒智文子○索隱

生文武子瑩瑩生莊子朔朔生悼子盈盈君命大臣

生文子櫟櫟生宣子申申生智伯瑤

者死令三臣始亂賈逵曰范中行趙也而獨逐鞅用刑不均

請皆逐之十一月荀躒韓不佞魏哆奉公命以

伐范中行氏索隱曰不佞韓簡子哆不克范中行氏

反伐公公擊之范中行敗走丁未二子奔朝歌

索隱曰范吉射荀寅也韓魏以趙氏為請服虔曰以其罪輕於荀

被范中行伐乃奔晉陽以其罪輕故韓魏為請晉君而得入絳十二月辛未趙鞅入

絳盟于公宮其明年知伯文子謂趙鞅曰范中

行雖信為亂安于發之是安于與謀也晉國有

法始亂者死夫二子已伏罪而安于獨在趙鞅

患之安于曰臣死趙氏定晉國寧吾死晚矣遂

自殺趙氏以告知伯然後趙氏寧孔子聞趙簡子不請晉君而執邯鄲午保晉陽故書春秋曰趙鞅以晉陽畔趙簡子有臣曰周舍好直諫周舍死簡子每聽朝常不悅大夫請臯簡子曰大夫無罪吾聞十年之皮不如一狐之腋諸大夫朝徒聞唯唯不聞周舍之鄂鄂是以憂也韓詩曰周舍立於門下三日三夜簡子使問之曰子欲見寡人何事對曰願為鄂鄂之臣墨筆操牘從君之過而曰有記月有歲有簡子由此能附趙邑而懷晉人晉定公十八年趙簡子圍范中行于朝歌中行文子奔邯鄲索隱曰荀寅也明年衛靈公卒簡子與陽虎送衛

太子蒯瞶于衛衛不內居戚正義曰括地志云故戚在相州澶水縣東三十里杜預云戚衛邑在頓丘縣西有戚城是也晉定公二十一年簡子拔邯

鄲中行文子奔栢人簡子又圍栢人中行文子

范昭子遂奔齊索隱曰吉射也趙竟有邯鄲栢人范中

行餘邑入于晉趙名晉卿實專晉權奉邑俸於

諸侯晉定公三十年定公與吳王夫差爭長於

黃池趙簡子從晉定公卒長吳定公三十七年卒而簡子除三年之喪期而已是歲越王勾踐滅吳晉出公十一年知伯伐鄭趙簡子疾使太子毋卹將而圍鄭知伯醉以酒灌擊毋卹毋卹

羣臣請死之母卹曰君所以置母卹為能忍詢  
然亦愠知伯歸因謂簡子使廢母卹簡子  
不聽母卹由此怨知伯晉出公十七年簡子卒

張華曰趙簡子家在臨水界二冢併上氣成樓閣

太子母卹代立是為襄子

趙襄子元年越圍吳

正義曰年表及趙世家云左傳越元年前十五年矣何得更有越圍吳之事從此以下至問吳王是三十年事文說誤在此耳

食使楚隆問吳王

正義曰左傳云哀公二十年簡子死而使楚隆慰問王為哀公十三年簡子在黃池之役與吳王所會言曰好惡同之故滅祭饌及問吳王也而趙世家及六國年表云此年晉定公卒簡子除三年之喪服葬而襄子姊

前為代王夫人簡子既葬未除服北登夏屋

徐廣曰括地志云夏屋山一名賈屋山今名賈母山在代州雁門縣東北二十五里夏屋與勾注山相接蓋北方之險亦天下之請代王使厨人操銅料正義曰阻路所以分別內外也請代王及從者行斟陰令宰音斗合斟水器說文云鈎也以食代王及從者行斟陰令宰

人各徐廣曰一作雜以料擊殺代王及從官遂興兵平

代地其姊聞之泣而呼天摩笄自殺代人憐之

所死地名之為摩笄之山

正義曰笄今簪也括地志云摩笄山一名磨笄山亦名為山在蔚州飛狐縣東北百五十里魏土地記云代郡東南二十五里有馬頭山趙襄子既殺代王使人迎其婦代王夫人曰以弟慢夫非仁也以夫怨弟非義也摩笄自殺而死使者遂亦自殺

子周為代成君伯魯者襄子兄故太子太子蚤死故封其子襄子立四年知伯與趙韓魏盡分

其范中行故地晉出公怒告齊魯欲以伐四卿  
四卿恐遂共攻出公出公奔齊道死知伯乃立  
昭公曾孫驕是為晉懿公索隱曰或作哀公其大父名雍即昭公少子號戴子  
也知伯益驕請地韓魏韓魏與之請地趙趙不  
與以其圍鄭之辱知伯怒遂率韓魏攻趙趙襄  
子懼乃奔保晉陽原過從後至於王澤正義曰括地志云王澤在絳州正平縣南七里也見三人自帶以上可見自帶以下  
不可見與原過竹二節莫通曰為我以是遺趙  
毋卹原過既至以告襄子襄子齊三日親自剖  
竹有朱書曰趙毋卹余霍泰山徐廣曰在河東永安縣山陽

侯天使也三月丙戌余將使女反滅知氏女亦

立我百邑余將賜女林胡之地至于後世且有

伉王亦黑龍面而鳥喙鬚麤髭頰大膺大胃脩

下而馮左衽界乘徐廣曰脩或作隨界一作介奄有河宗正義曰穆天子

傳云河宗之子孫則相繁按蓋在龍門河之上流至于休溷諸貉正義曰貉乃戎狄之地也北

滅黑姑正義曰亦戎國襄子再拜受三神之令三國攻

晉陽歲餘引汾水灌其城城不浸者三版正義曰何休云

八尺城中懸釜而炊易子而食羣臣皆有外心

禮益慢唯高共徐廣曰一作赫不敢失禮襄子懼乃夜

禮益慢唯高共徐廣曰一作赫不敢失禮襄子懼乃夜



使相張孟同私於韓魏索隱曰戰國策作張孟談談韓魏與合謀以三月丙戌三國反滅知氏共分其地於是襄子行賞高共為上張孟同曰晉陽之難唯共無功襄子曰方晉陽急羣臣皆懈惟共不敢失人臣禮是以先之於是趙北有代南并知氏疆於韓魏遂祠三神於百邑使原過主霍泰山祠祀正義曰括地志云三神祀今在霍山側也其後娶空同氏正義曰括地志云崆峒山在肅州福祿縣東南六十里古西戎地又原州平高縣西百里亦有崆峒山即黃帝問廣成子道處俱是西戎地未知孰是生五子襄子為伯魯之不立也不肯立子且必欲傳位與伯魯子代成君成

君先死乃取代成君子浣立為太子

索隱曰代成君名周伯魯

之子系本云代成君子起即襄子之子不云伯魯非也

襄子立三十三年卒浣

立是為獻侯獻侯少即位治中牟

地理志曰河南中牟縣趙獻侯

自耿徙此瓚曰中牟在春秋之時是鄭之疆內也及三卿分晉則在魏之邦土也趙界自漳水以北不及此春秋傳曰衛侯如晉過中牟按中牟非衛適晉之次也汲郡古文曰齊師伐趙東鄙圍中牟此中牟不在趙之東也按中牟當漯水之北。索隱曰此趙中牟在河北非鄭之中牟。正義曰按五鹿在魏州元城縣東十二里鄴即相州蕩陽縣西五十八里有牟山蓋中牟邑在此山側也襄子弟桓子逐獻侯自立於代索隱曰系本云襄子子桓子與此不同一年卒國人曰桓子立非襄子

意乃共殺其子而復迎立獻侯十年中山武公

初立

徐廣曰西周桓公之子桓公者孝王弟而定王子子。索隱曰中山古鮮虞國姬姓也系本云中山武公居

顧桓公徒靈壽為趙武靈王所滅不言誰之子孫  
徐廣云西周桓公之子亦無所據蓋未得其實 十三年

城平邑地理志曰代郡有平邑縣十五年獻侯卒子烈侯籍立

烈侯元年魏文侯伐中山使太子擊守之六年

魏韓趙皆相立為諸侯追尊獻子為獻侯烈侯

好音謂相國公仲連曰寡人有愛可以貴之乎

公仲曰富之可貴之則否烈侯曰然夫鄭歌者

槍石二人索隱曰槍音七羊反槍與石二人名吾賜之田人萬畝公

仲曰諾不與居一月烈侯從代來問歌者田公

仲曰求未有可者有頃烈侯復問公仲終不與

乃稱疾不朝番吾君徐廣曰番音盤常山有番吾縣正義曰括地志云番吾故城

在恒州房山縣東二十里番蒲古今音異耳 自代來謂公仲曰君實好善

而未知所持令公仲相趙於今四年亦有進士

乎公仲曰未也番吾君曰牛畜荀欣徐越皆可

公仲乃進三人及朝烈侯復問歌者田何如公

仲曰方便擇其善者牛畜侍烈侯以仁義約以

王道烈侯道然正義曰道音由古字與攸同言牛畜以仁義約以王道故止歌者田攸攸氣行

貌寬也明日荀欣侍以選練舉賢任官使能明日

徐越侍以節財儉用察度功德所與無不充君

說烈侯使使謂相國曰歌者之田且止官牛畜

為師荀欣為中尉徐越為內史正義曰漢書百官公卿表云少府內

史周官秦因賜相國衣二龍單復具九年列侯卒

弟武公立索隱曰誰周云系本及說趙語者並無其事蓋別有所據武公十三年

卒趙復立烈侯太子章是為敬侯是歲魏文侯

卒敬侯元年武公子朝作亂不克出奔魏趙始

都邯鄲二年敗齊于靈丘地理志曰代郡有靈丘縣三年救魏

于廩丘大敗齊人四年魏敗我兔臺築剛平正義曰兔臺剛平並在河北以侵衛五年齊魏為衛攻趙取我剛

平六年借兵於楚伐魏取棘蒲正義曰今趙州平棘縣古棘蒲邑

八年拔魏黃城杜預曰陳留外黃縣東有黃城○正義曰括地志云故黃城在魏州冠氏縣南十里因黃溝為名按陳留外黃城非隨所別也九年伐齊齊伐燕趙救燕十

年與中山戰于房子王義曰趙州房子縣是十一年魏韓趙共

滅晉分其地伐中山又戰於中人徐廣曰中山唐縣有中人亭○正義曰括地志云中山故城一名中人亭在定州唐縣東北四十一里春秋時鮮虞國之中人邑也十二年敬

侯卒子成侯種立成侯元年公子勝與成侯爭

立為亂二年六月雨雪三年大戊午為相徐廣曰戊一作伐衛取鄉邑七十二魏敗我蘭正義曰地里志云屬西河郡也

四年與秦戰高安正義曰蓋在河東敗之五年伐齊于鄆

魏敗我懷攻鄭敗之以與我長子地理志曰濮州鄆城縣是也

六年中山築長城伐魏敗涿澤正義曰涿音濁有長子縣

徐廣云長杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

杜有濁澤非也括地志云濁水源出蒲州解縣東北平地爾時魏都安邑韓趙伐魏豈河南至長杜也解縣濁

水近於魏都當是也圍魏惠王七年侵齊至長城正義曰齊長城西頭

在齊州平陰縣太山記云太山西北有長城緣河經太山千餘里邶邶入海括地志云所侵處在密州南三十里也與

韓攻周八年與韓分周以為兩徐廣曰顯王二年周紀無此○正義

曰括地志云史記周顯二年西周惠公封少子子班於鞏鞏為東周其子武公為秦所滅郭緣生述征記云鞏縣本周鞏伯邑九年與齊戰阿下徐廣曰戰一作會也○正義曰阿東阿也今齊州東阿縣也

十年攻衛取甄十一年秦攻魏趙救之石阿正義曰蓋在石隰

十二年秦攻魏少梁正義曰少梁故城在同州韓城縣南趙救之十三年秦獻公使庶長國伐

魏少梁虜其太子座魏敗我澮取皮牢徐廣曰魏年表

曰取趙皮牢○正義曰括地志云澮水縣在絳州翼城縣東南二十五里按皮牢當在澮之側成侯與韓

昭侯遇上黨十四年與韓攻秦十五年助魏攻

齊十六年與韓魏分晉封晉君以端氏徐廣曰在平陽

○正義曰端氏澤州縣也十七年成侯與魏惠王遇葛孽徐廣曰在馬丘

年表曰十八年趙孟如齊○正義曰括地志云澮水縣在絳州翼城縣東南二十五里按皮牢當在澮之側十九

年與齊宋會平陸正義曰兗州縣也平陸城與即古厥國與燕會阿正義

曰括地志云故葛城一名依城又名西阿城在瀛州高陽縣西北五十里以徐充二水並過其西又祖經其北曲曰阿以齊有東阿故曰西阿城地理志云瀛州屬河間趙分也按燕趙即此也二十年魏獻榮椽

因以為檀臺徐廣曰襄國縣有檀臺○索隱曰劉氏云榮椽蓋地名其中有高處可以為臺非也

按榮椽是良材可為椽登飾有光榮所以魏獻之故趙因用之以為檀臺○正義曰鄭玄云榮屋翼也說文云椽椽也屋招之兩頭起者為榮也括地志云檀臺在洛州臨洛縣北二里二十一年魏圍我邯鄲

云檀臺在洛州臨洛縣北二里

二十二年魏惠王拔我邯鄲齊亦敗魏於桂陵

正義曰括地志云故桂陵城在曹州乘縣東北二十一里故老云此即桂陵也二十四年魏歸

我邯鄲與魏盟漳水上秦攻我蘭二十五年成

侯卒公子緜音薛與太子肅侯爭立索隱曰系本云肅侯名語緜

敗亡奔韓肅侯元年奪晉君端氏徙處屯留正義

曰括地志云屯留故城在潞州長子縣東北三十里本漢屯留縣城也二年與魏惠王遇

於陰晉正義曰地里志云華陰縣魏之陰晉秦惠文王更名寧秦高帝更名華陰今屬華州

三年公子范龍襲邯鄲不勝而死四年朝天子六

年攻齊拔高唐七年公子刻攻魏首垣正義曰蓋在河

北也十一年秦孝公使商君伐魏虜其將公子却

趙伐魏十二年秦孝公卒商君死十五年起壽

陵正義曰徐廣云在常州魏惠王卒十六年肅侯游大陵

徐廣曰太原有大陵縣亦曰陸○正義曰括地志云大陵城在并州文水縣北十三里漢大陵縣城出於鹿

門正義曰并州孟縣西有白鹿泓魏出自鹿山南海蓋鹿門在北山水之側也大戊午扣

馬呂忱曰扣牽馬曰耕事方急一日不作百日不食肅

侯下車謝十七年圍魏黃不克地理志曰山陽有黃縣○正義曰黃

城在魏州前拔之却為魏今趙圍之矣築長城正義曰劉伯雅公蓋從雲

齊州北西至嵐州北盡趙界又疑此長城在潭水之北趙南界十八年齊魏伐我我

決河水灌之兵去二十二年張儀相秦趙疵與秦戰敗秦殺疵河西取我蘭離石二十三年韓

舉徐廣曰與齊魏戰死于桑丘地理志云泰山有桑丘縣正義曰括地

志云桑丘城在易州遂城縣界或云在泰山非也此時齊伐燕桑丘三晉皆來救之不得在泰山有桑丘縣此說甚誤也

二十四年肅侯卒秦楚燕齊魏出銳師各萬人

來會葬子武靈王立索隱曰名雍武靈王元年徐廣曰年表云魏敗

我趙陽文君趙豹相梁襄王與太子嗣韓宣王

與太子倉來朝信宮正義曰在洛州臨洛縣也武靈王少未能

聽政博聞師三人左右司過三人及聽政先問

先王貴臣肥義加其秩國三老年八十月致其

禮三年城鄔四年與韓會于區鼠正義曰蓋在河北五年

娶韓女為夫人八年韓擊秦不勝而去五國相

王趙獨否曰無其實敢處其名乎令國人謂已

曰君九年與韓魏共擊秦秦敗我斬首八萬級

齊敗我觀澤正義曰括地志云觀澤故城在魏州頓丘縣東十八里也十年秦取

我西都及中陽徐廣曰年表云秦取中都西陽安邑十一年秦敗我將軍英太原有中都縣西

河有中陽縣齊破燕燕相子之為君君反為臣十一

年王召公子職於韓立以為燕王徐廣曰紀年亦云爾使樂

池送之燕世家子之死後燕人共立太子平是為燕昭王無趙送公子職為燕王之事當是趙聞燕亂遙立

職為燕王雖使樂池送之竟不能就○索隱曰燕系家無其事蓋是疎也今此云使樂池送之必是憑舊史為說且紀年

之書其說又同則十三年秦拔我蘭虜將軍趙莊

正義曰本一作楚魏王來過邯鄲十四年趙何攻

比音疋婢反

魏十六年秦惠王卒王遊大陵他日王夢見虬女鼓琴而歌詩曰美人熒熒兮顏若苕之榮

邃曰陵苕之草其華紫○正義曰苕音條毛詩疏云苕饒也幽州謂之翹饒苕似瑩豆而細葉似疾蕪而青其華細綠色可生食味如小豆莢佳也又本草經云陵苕生下濕水中七八月生華紫草可以染帛煮沐頭髮即黑也命乎

命乎曾無我羸羸已貴盛盈端也○正義曰按命名也羸姓羸也言世衆名其美好曾無我好羸也重言名呼者以談說衆也異日王飲酒樂數言

所夢想見其狀吳廣聞之因夫人而內其女娃

羸方言曰娃美也孟姚也徐廣曰古史考云內其女曰孟姚○索隱曰孟姚吳廣女舜之後故上文云余思虞舜之勳故命其胃女孟姚以配而七代之孫是也然後封虞在河東太陽山西有上虞城是亦曰吳城虞吳音相近故舜後亦姓吳非獨太伯虞仲之裔孟姚甚有寵於王是為

惠后十七年王出九門徐廣曰在常山○正義曰本宮室而居趙武靈王改為九門為野臺徐廣曰野一作望○正義曰括地志云野臺一名義臺在定州樂縣西南西南六十三里以望齊中山之境十八年秦武王與孟

說舉龍文赤鼎絕臚而死徐廣曰一作絕趙王使

代相趙固迎公子稷於燕送歸立為秦王是為

昭王十九年春正月大朝信宮召肥義與議天

下五日而畢王北略中山之地至於房子正義曰趙州縣也遂之代北至無窮西至河登黃華之上正義曰黃華蓋

西河側之山名也召樓緩謀曰我先王因世之變以長南藩之地屬阻障淦之險立長城又取藺鄢狼敗

林人正義曰即於荏而功未遂今中山在我腹

心北有燕正義曰地理志云趙分晉北有信都中山又得

東平舒等七縣在河東有胡正義曰趙東有瀛州之東

九之先後為鮮卑也西有林胡樓煩秦韓之邊正義曰林

胡樓煩即嵐勝之北也嵐勝以南石州離石蘭等七國時趙

邑邊也秦隔河也晉洛潞澤等州皆七國時韓地為並趙西

境而無疆兵之救是亡社稷奈何夫有高世之

名必有遺俗之累吾欲胡服樓緩曰善羣臣皆

不欲於是肥義侍王曰簡襄主之列計胡翟之

利為人臣者寵有孝悌長幼順明之節通有補

民益主之業正義曰寵貴寵也通達理也凡為人臣有

孝弟長幼順明之節制者得貴寵也有補

民益主之功業者為達理也此兩者臣之分也今吾欲繼襄主

之跡開於胡翟之鄉而卒世不見也正義曰卒子

盡世間不見補民為敵弱正義曰我為胡服用力少

而功多可以毋盡百姓之勞而序往古之勲正義

曰厚重也往古謂夫有高世之功者負遺俗之累

趙簡子襄子也有獨智之

慮者任駑馬民之怨正義曰言世有獨計智之思慮

將胡服騎射以教百姓而世必議寡人奈何肥

義曰臣聞疑事無功疑行無名王既定負遺俗



俗成大功者不謀於衆昔者舜舞有苗禹袒裸國非以養欲而樂志也務以論德而約功也愚者闇成事智者覩未形則王何疑焉王曰吾不疑胡服也吾恐天下笑我也狂夫之樂智者哀焉愚者所笑賢者察焉世有順我者胡服之功未可知也雖驅世以笑我胡地中山吾必有之於是遂胡服矣使王緹告公子成曰寡人胡服將以朝也亦欲叔服之家聽於親而國聽於君古今之公行也子不反親臣不逆君兄弟之通義也徐廣曰兄弟一作元夷始也夷平也今寡人作教易服而叔

不服吾恐天下議之也制國有常利民為本從

政有經令行為上明德先論於賤而行政先信

於貴今胡服之意非以養欲而樂志也事有所

止而功有所出正義曰鄭玄云止至也為人君止於仁為人臣止於敬為人子止於孝為人父

止於慈與國入交止於信按出猶成也事成功立然後善也今寡人恐

叔之逆從政之經以輔叔之議且寡人聞之事

利國者行無邪因貴戚者名不累故願慕公叔

之義以成胡服之功使緹謁之叔索隱曰請服絕句

焉公子成再拜稽首曰臣固聞王之胡服也臣

不佞寢疾未能趨走以滋進也王命之臣敢對

因竭其愚忠曰臣聞中國者蓋聰明徇智之所居也徐廣曰五帝本紀云初而徇齊萬物財用之所聚也賢聖之所教也仁義之所施也詩書禮樂之所用也異敏技能之所試也遠方之所觀赴也蠻夷之所義行也今王舍此而襲遠方之服變古之教易古之道逆人之心而佛學者離中國故臣願王圖之也使以報王曰吾固聞叔之疾也我將自往請之王遂往之公子成家因自請之曰夫服者所以便用也禮者所以便事也聖人觀鄉而順宜因事而制禮所以利其民而厚其國也

夫翦髮文身錯臂左衽

索隱曰錯臂亦文身謂以丹青錯畫其臂孔衍作右臂月左

衽謂右袒 甌越之民也

索隱曰甌氏云今珠崖儋耳謂之

越故言甌越也輿地志云交趾周時為駱越秦時曰西甌文身浙髮避龍則西甌駱又在番禺之西南越及甌駱皆芋姓

也世本云越芋姓也與楚同祖是也

黑齒雕題

劉逵曰以草染齒用白作黑鄭玄曰雕文謂刻其肌

以青丹涅之

却冠林紉

徐廣曰戰國策作林縫紉亦縫紉之別名也鉢者其紉也古字多假借故作林

紉耳此蓋言其女功鍼縷之麤也又一本作鮭冠黎縹也

大吳之國也故禮服

莫同其便一也鄉異而用變事異而禮易是以

聖人果可以利其國不一其用果可以便其事

不同其禮儒者一師而俗異中國同禮而教離

況於山谷之便乎故去就之變智者不能一遠

近之服賢聖不能同窮鄉多異曲學多辨不知而不疑異於已而不非者公焉而衆求盡善也今叔之所言者俗也吾所言之所以制俗也吾國東有河薄洛之水徐廣曰安平經縣西有漳水津名薄洛津○正義曰按安平縣屬定州與齊中山同之正義曰爾時齊與中山相親中山趙也舟楫無舟楫之用自常山以至代上黨徐廣曰一之備東有燕東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊索隱曰林胡樓煩東胡是三胡也且昔者簡主不

塞晉陽以及上黨而襄主并戎取代以攘諸胡

此愚智所明也先時中山負齊之疆兵侵暴吾

地係累正義曰上音計下力追反吾民引水圍鄣微社稷之神

靈則鄣幾於不守也先王醜之而怨未能報也

今騎射之備近可以便上黨之形而遠可以報

中山之怨而叔順中國之俗以逆簡襄之意惡

變服之名以忘鄣事之醜非寡人之所望也公

子成再拜稽首曰臣愚不達於王之義敢道世

俗之聞臣之臯也今王將繼簡襄之意以順先

王之志臣敢不聽命乎再拜稽首乃賜胡服明

日服而朝於是始出胡服令也趙文趙造周昭

徐廣曰戰國策作紹紹音紹

趙俊皆諫止王母胡服如故法便

王曰先王不同俗何古之法帝王不相襲何禮

之循處戲神農教而不誅黃帝堯舜誅而不怒

及至三王隨時制法因事制禮法度制令各順

其宜衣服器械各便其用故禮也不必一道而

便國不必古聖人之興也不相襲而王夏殷之

衰也不易禮而滅然則反古未可非而循禮未

足多也且服奇者志淫則是鄒魯無奇行也

曰按鄒魯好長纓是奇服也服非其志皆淫僻也而有孔門顏冉之屬豈是無奇行哉俗辟者民易

則是吳越無秀士也

索隱曰言方俗僻處山谷而人皆改易不通大化則是吳越無秀士

何得有延州來及大夫種之屬哉

且聖人利身謂之服便事謂之

禮夫進退之節衣服之制者所以齊常民也非

所以論賢者也故齊民與俗流賢者與變俱故

諺曰以書御者不盡馬之情以古制今者不達

事之變循法之功不足以高世法古之學不足

以制今子不及也遂胡服招騎射二十年王略

中山地至寧葭

索隱曰一作葭葭葭縣名在中山也

西略胡地至榆

正義曰勝州北河北岸也

林胡王獻馬歸使樓緩之秦仇

液之韓王賁之楚富丁之魏趙爵之齊代相趙

固主胡致其兵二十一年攻中山趙昭為右軍

許鈞為左軍公子章為中軍王并將之牛翦將

車騎趙希并將胡代趙與之陘徐廣曰一作陸又

之陘陘者山絕之名常山有井陘中山有苦陘上黨有關與

○正義曰與音與陘音荆陘陘山也在并州陘縣東南十八

里然趙希并將代趙之兵與諸軍向井陘之側共

出定州上曲陽縣合軍攻取丹丘華陽鳴上之關

**合軍曲**

**陽**徐廣曰上曲陽在常山下曲陽在鉅鹿○正義曰括地

志云上曲陽故城在定州曲陽縣西五里按合軍曲陽

即上曲陽也以

**攻取丹丘**正義曰蓋邢

**華陽**正義曰括地志云北

岳有五別名一曰蘭臺府二曰列女宮三曰華陽臺四曰紫

臺五曰太一宮按此岳恒山在定州恒陽縣北百四十里

**鳴之塞**正義曰上昌之反下先代反徐廣曰鳴一作鴻上

故關今名汝城在定州唐縣東北六十里本晉

上關城也又有鴻上水源出唐縣北葛洪山接北

岳恒山與鴻上塞皆在定州然一本作鳴字誤也

**王軍取**

**鄗石邑**徐廣曰在常山○正義曰括地志云石邑故

城在恒州鹿泉縣南三十五里六國時舊邑

正義曰括地志云封龍山一名飛龍山在

**東垣中山獻**

**四邑和王許之罷兵二十三年攻中山二十五**

**年惠后卒**索隱曰謂武靈王之后前太子章之母惠文王

之嫡母也惠后卒後吳娃始當正室至孝成二

年稱惠文后卒是也而下文又云吳娃死

後娃子向寵衰故太子欲兩王之是誤也

**使周昭胡服**

**傳王子何二十六年復攻中山攘地北至燕代**

**西至雲中九原二十七年五月戊申大朝於東**

**宮傳國立王子何以爲王王廟見禮畢出臨朝**

**大夫悉爲臣肥義爲相國并傳王是爲惠文王**

**惠文王惠后吳娃子也武靈王自號爲主父主**

父欲令子主治國而身胡服將士大夫西北略胡地而欲從雲中九原直南襲秦於是詐自為使者入秦秦昭王不知已而怪其狀甚偉非人臣之度使人逐之而主父馳已脫關矣審問之乃主父也秦人大驚主父所以入秦者欲自略地形因觀秦主之為人也惠文王徐廣曰元年以公子勝為相封原二年主父行新地遂出代西遇樓煩王於西河而致其兵三年滅中山遷其王於膚施徐廣曰在上郡起靈壽徐廣曰在常山北地方從代道大通還歸行賞大赦置酒酺五日封長子章為代

正義曰今延州膚施縣也

徐廣曰

在常山

北地方從代道大

安陽君

正義曰括地志云東安陽故城在朔州定襄縣界地志云東安陽縣屬代郡

章素侈

心不服其弟所立主父又使田不禮相章也李允謂肥義曰公子章彊壯而志驕黨衆而欲大殆有私乎田不禮之為人也忍殺而驕二人相得必有謀陰賊起一出身徼幸夫小人有欲輕慮淺謀徒見其利而不顧其害同類相推俱入禍門以吾觀之必不久矣子任重而勢大亂之所始禍之所集也子必先患仁者愛萬物而智者備禍於未形不仁不智何以為國子奚不稱疾母出傳政於公子成母為怨府母為禍梯肥

義曰不可昔者主父以王屬義也曰母變而度  
母異而慮堅守一心以歿而世義再拜受命而  
籍之今畏不禮之難而忘吾籍變孰大焉進受  
嚴命退而不全負孰甚焉變負之臣不容於刑  
諺曰死者復生生者不愧正義曰肥義報李允云必  
田不禮而生異心使死者復更變生并見在  
生者並見傳王無變令我不愧之若苟息也吾言已在  
前矣吾欲全吾言安得全吾身且夫貞臣也難  
至而節見忠臣也累至而行明子則有賜而忠  
我矣雖然吾有語在前者也終不敢失李允曰  
諾子勉之矣吾見子已今年耳涕泣而出李允

數見公子成以備田不禮之事異日肥義謂信

期曰

索隱曰即下文高信也  
正義曰上音申也

公子與田不禮甚可

憂也其於義也聲善而實惡此爲人也不子不

臣吾聞之也茲臣在朝國之殘也讒臣在中主

之蠹也此人貪負而欲大內得主而外爲暴矯令

爲慢以擅一旦之命不難爲也禍且逮國今吾

憂之夜而忘寐飢而忘食盜賊出入不可不備

自今以來若有召王者必見吾面我將先以身

當之無故而王乃入信期曰善哉吾得聞此也

四年朝羣臣安陽君亦來朝主父令王聽朝而

自從旁觀窺羣臣宗室之禮見其長子章儻然也反北面為臣詘於其弟心憐之於是乃欲分趙而王章於代計未決而輟主父及王游沙丘異宮正義曰在邢州平鄉縣東北二十里矣公子章即以其徒與田不禮作亂詐以主父令召王肥義先入殺之高信即與王戰公子成與李兌自國至乃起四邑之兵入距難殺公子章及田不禮滅其黨賊而定王室公子成為相號安平君李兌為司寇公子章之敗往走主父主父開之索隱曰開謂開門而納之俗本亦作開字者非也譙周及孔衍皆作閉之閉謂藏也。正義曰謂不責其反叛之罪容其入宮藏也成兌因圍主

父宮公子章死公子成李兌謀曰以章故圍主父即解兵吾屬夷矣乃遂圍主父令宮中人後出者夷宮中人悉出主父欲出不得又不得食探爵斂而食之其母遂曰斂爵子也。索隱曰生受哺者謂之斂三月餘而餓死沙丘宮雁劾曰武靈王葬代郡靈丘縣。正義曰括地志云趙武靈王墓在蔚州靈丘縣東三十里應說主父定死乃發喪赴諸侯是時王少成兌專政畏誅故圍主父主父初以長子章為太子後得吳娃愛之為不出者數歲生子何乃廢太子章而立何為王吳娃死愛弛憐故太子欲兩王之猶豫未決故亂起以至父子俱死為天



下笑豈不痛乎徐廣曰或無此十四字主父死惠文王立立

五年與燕鄭易徐廣曰皆屬八年城南行唐徐廣曰在

常山正義曰行寒庚反括地志云行唐縣屬冀州為南行唐築城九年趙梁將與齊合

軍攻韓至魯關下正義曰劉伯莊云蓋在南河魯及

十年秦自置為西帝十一年董叔與魏氏伐宋

得河陽於魏秦取梗陽杜預曰太原晉陽縣南梗陽城也○索隱曰地理志云太

原榆次有梗陽鄉與杜預所據小別也○正義曰括地志云太

次縣地春秋晉大夫祁氏邑也十二年趙梁將攻齊十三年韓徐

為將攻齊公主死索隱曰蓋吳姓十四年相國樂

毅將趙秦韓魏燕攻齊取靈丘索隱曰年表及韓魏等系家五國攻

齊在明年然此下文十五年重擊齊是此文為得蓋此年同伐齊耳○正義曰蔚丘縣也與秦會中陽

正義曰括地志云中陽故縣在汾州偃城縣南十里漢中陽縣也十五年燕昭王來見

趙與韓魏秦共擊齊齊王敗走燕獨深入取臨

菑十六年秦復與趙數擊齊齊人患之蘇厲為齊

遺趙王書曰臣聞古之賢君其德行非布於海

內也教順非洽於民人也祭祀時享非數常於

鬼神也甘露降時雨至年穀豐熟民不疾疫眾

人善之然而賢主圖之今足下之賢行功力非

數加於秦也怨毒積怒非素深於齊也秦趙與

國以疆徵兵於韓秦誠愛趙乎其實憎齊乎物

之甚者賢主察之秦非愛趙而憎齊也欲亡韓而吞二周故以齊餒天下恐事之不合故出兵以劫魏趙恐天下畏已也故出質以為信恐天下亟反也故徵兵於韓以威之聲以德與國實而伐空韓索隱曰與國趙也秦趙今為與國秦徵兵於韓共趙伐齊以威聲和趙是以德與國也臣以秦計為必出於此夫物固有勢異而患同者楚久伐而中山亡今齊久伐而韓必亡破齊王與六國分其利也亡韓秦獨擅之收二周西取祭器秦獨私之賦田計功王之獲利孰與秦多說士之計曰韓亡三川正義曰河南之魏亡晉國

正義曰河北之地安邑河內市朝未變而禍已及矣燕盡齊之

北地去沙丘鉅鹿歛三百里正義曰沙丘邢州也鉅鹿冀州也齊北界貝州

也歛滅也言破齊滅韓之後燕之南界秦之東界相去滅三百里趙國在中間也韓之上黨去

邯鄲百里燕秦謀王之河山間三百里而通矣

秦之上郡正義曰鄜延等州也近挺關至於榆中者千五百

里秦以三郡攻王之上黨正義曰秦上黨郡今澤潞儀必等四州之地兼相州

之半韓摠有之至七國時趙得儀必二州之地韓猶有潞州及澤州之半半屬趙魏必州在羊腸坂之西儀并伐三州在

勾注山之南秦以三郡攻趙之澤潞則勾注之南趙無地然秦始皇置上黨郡此言之者太史公却引前書也他皆倣此

羊腸之西正義曰太行山坂道名勾注之南正義曰勾注山在代

州西非王有已踰勾注斬常山而守之三百里

而通於燕代馬胡犬不東下正義曰言秦踰勾注山斬常山而守之西北代

馬胡犬不東入趙沙州崑山之王亦不出至趙矣郭璞云胡地野犬似狐而小昆山之玉不出

此三寶者亦非王有已王久伐齊從彊秦攻韓

其禍必至於此願王孰慮之且齊之所以伐者

以事王也正義曰以趙王為事也而秦必伐之也天下屬行以謀王也

正義曰上音燭下胡郎反言秦欲令齊稱帝與約五國共滅趙三分趙地燕秦之約成而兵

出有日矣五國三分王之正義曰謂秦齊韓魏地也

倍五國之約而殉王之患正義曰齊王以身從趙王之患也西兵以

禁彊秦秦廢帝請服正義曰言秦齊相約欲更重稱帝故言廢帝也反高

平根柔於魏徐廣曰紀年云魏哀王四年改陽曰河雍向曰高平根柔一作搖柔一作平柔○正

義曰返還也括地志云高平故城在懷州河陽縣西四里紀年云魏哀王改向曰高平也根柔未詳兩邑魏地也反

嬰分徐廣曰一作王公先俞於趙徐廣曰爾雅曰西俞鴈門是也○正義曰西俞音

邢分字誤當作山字耳括地志云勾注山一名西陘山在代州鴈門縣西北四十里俞音戊郭注云西陘即鴈門山也按

西先聲相近蓋陘山西陘二山之齊之事王宜為上佼

地並在代州鴈門縣皆趙地也而索隱曰佼猶行也而今乃抵臯正義曰謂共秦伐齊也臣恐天下後事

王者之不敢自必也願王孰計之也今王毋與

天下攻齊天下必以王為義齊抱社稷而厚事

王天下必盡重王義王以天下善秦秦暴王以

天下禁之是一世之名寵制於王也於是趙乃

輟謝秦不擊齊王與燕王遇廉頗將攻齊昔陽

正義曰括地志云昔陽故城一名陽城在并州樂平縣東春秋釋地名云昔陽服國所都也樂平城治縣東昔陽城服姓自狄別種也樂平縣城漢治縣城也取之杜預曰樂平治縣有昔陽城十七年樂毅

將趙師攻魏伯陽正義曰括地志云伯陽故城一名邯而秦然趙不與已擊齊伐趙拔我兩城邯魏邑漢邯會城

十八年秦拔我石城正義曰地理志云石城在相州林慮縣西南九十里疑王冉之衛東陽決河水正義曰括地志云東陽故城在貝州歷亭縣界按東陽先屬衛今屬趙河歷貝州城故城在貝州歷亭縣界按東陽先屬衛今屬趙河歷貝州南東北流過河南岸即魏地也故言王冉之衛東陽伐魏氏

也伐魏氏大潦漳水出魏冉來相趙十九年秦敗我二城趙與魏伯陽趙奢將攻齊麥丘取之

二十年廉頗將攻齊王與秦昭王遇西河外徐廣曰括地志云武平西

曰年表云與二十一年趙徙漳水武平西正義曰括地志云武平西

置公子丹為太子二十二年樓昌將攻魏幾正義曰音祈傳云伐齊幾幾拔之又戰國策云秦敗閔與及攻魏幾按幾邑或屬齊或屬魏當在相潞之間也不能

取十二月廉頗將攻幾取之二十四年廉頗將攻魏房子徐廣曰屬常山拔之因城而還又攻安陽取

之二十五年燕周將攻昌徐廣曰屬齊郡○索隱曰燕周趙人為趙將○正義

秦將白起破我華陽正義曰括地志云故華陽城在鄭州管城縣南四十里司馬彪云華

陽亭在今洛州密縣是時魏得一將軍二十六年取

韓趙聚兵於華陽西攻秦

東胡正義曰今營州也歐代地索隱曰蓋東胡叛趙驅畧二十

七年徙漳水武平南封趙豹為平陽君戰國策曰趙豹平陽

王母弟君惠文河水出大潦二十八年藺相如伐齊至

平邑正義曰括地志云平邑故城在魏州昌樂縣東北四十里也罷城北九門大

城正義曰恒州九門縣城燕將成安君公孫操弒其王徐廣曰

是燕武成王元年索隱曰樂資云其王即惠王二十九年秦韓相攻而圍

關與正義曰上於連反下音預括地志云關與聚落今名烏蘇城在潞州銅鞮縣西北二十里又儀州順和縣

城亦云韓關與邑二所未詳又有關與趙使趙奢將擊

秦大破秦軍關與下賜號為馬服君正義曰因馬服山為號也

三十二年虞喜志林云馬服之首也號曰馬服者言能服馬也括地志云馬服山邯鄲縣西北十里也

惠文王卒太子丹立是為孝成王孝成王元年

徐廣曰平原君相也秦伐我拔三城趙王新立太后用事秦

急攻之趙氏求救於齊齊曰必以長安君正義曰長安君

者以長安善故名也為質兵乃出索隱曰孔衍云長安君惠文后之少子也趙亦有長安今其地闕

太后不肯大臣彊諫太后明謂左右曰復言長

安君為質者老婦必唾其面左師觸龍言願見

太后太后盛氣而胥之入胥猶須也穀梁傳曰胥其出也徐趨而

坐自謝曰老臣病足曾不能疾走不得見久矣

竊自恕而恐太后體之有所苦也故願望見太

后太后曰老婦恃輦而行索隱曰東哲云趙惠文王何者吳廣之甥姓贏之

子也如系家計之則武靈王十六年夢吳娃而納之至二十七年王薨及惠文王三十二年卒孝成王元年遣於齊若娃年二十八入王宮至此在六十左側亦可長安君質稱老矣而東廣微言太后纔纔三十有奇者誤也曰食得

母衰乎曰恃粥耳曰老臣間者殊不欲食乃彊步日三四里少益嗜食和於身也太后曰老婦不能太后不和之色少解左師公曰老臣賤息舒祺最少不肖而臣衰竊憐愛之願得補黑衣之缺以衛王宮昧死以聞太后曰敬諾年幾何矣對曰十五歲矣雖少願及未填溝壑而託之太后曰丈夫亦愛憐少子乎對曰甚於婦人太后笑曰婦人異甚對曰老臣竊以為媼之愛燕

后賢於長安君太后曰君過矣不若長安君之甚左師公曰父母愛子則為之計深遠媼之送燕后也持其踵為之泣念其遠也亦哀之矣已行非不思也祭祀則祝之曰必勿使反豈非計長久為子孫相繼為王也哉太后曰然左師公曰今三世以前至於趙主之子孫為侯者其繼有在者乎曰無有曰微獨趙諸侯有在者乎曰老婦不聞也曰此其近者禍及其身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位

而封之以膏腴之地多與之重器而不及今令  
有功於國一旦山陵崩長安君何以自託於趙  
老臣以媼為長安君之計短也故以為愛之不  
若燕后太后曰諾恣君之所使之於是為長安  
君約車百乘質於齊齊兵乃出子義聞之索隱曰子義趙  
之賢曰人主之子骨肉之親也猶不能持無功  
之尊無勞之奉而守金玉之重也而況於予乎  
齊安平君正義曰括地志云安平城在青州臨海縣東十九里古紀之鄒邑也田單將趙  
師而攻燕中陽徐廣曰一作人○正義曰燕無中陽括地志云中山故城一名中人在定州  
唐縣東北四十一里爾時屬燕國也拔之又攻韓注人正義曰邑名也括地志云注城在汝

州梁縣西十五里蓋是其地也拔之二年惠文后卒田單為相四

年王夢衣偏褰之衣正義曰杜預云偏左右異色褰在中左右異故曰偏按褰衣皆縫也

乘飛龍上天不至而墜見金玉之積如山明日

王召筮史敢占之曰夢衣偏褰之衣者殘也乘

飛龍上天不至而墜者有氣而無實也見金玉

之積如山者憂也後三日韓氏上黨守馮亭使

者至曰韓不能守上黨入之於秦其吏民皆安

為趙不欲為秦有城市邑十七願再拜入之趙

財王所以賜吏民王大喜召平陽君豹生足之曰

馮亭入城市邑十七受之何如對曰聖人甚禍

無故之利王曰人懷吾德何謂無故乎對曰夫秦蠶食韓氏地中絕不令相通固自以為坐而受上黨之地也韓氏所以不入於秦者欲嫁其禍於趙也秦服其勞而趙受其利雖彊大不能得之於小弱小弱顧能得之於彊大乎豈可謂非無故之利哉且夫秦以牛田之徐廣曰一無此字。正義曰秦

蚕食韓氏國中斷不通夫牛耕田種穀至秋則收之成熟水之義也言秦伐韓上黨勝有日矣若牛田之必冀收穫矣

通糧

正義曰秦從渭水漕糧東入河洛軍擊韓上黨也

先蠶食上乘倍戰者

正義曰乘承證反蚕食桑葉漸進必盡也司馬法云百畝為夫夫二為屋屋三為井井十為通通十為城城出革車一乘七十二人也上乘天下第一也倍戰力攻也韓國四戰之地軍士慣習倍於餘國裂上國之

地

正義曰上國秦地也言韓上黨之地以列為秦國之地其政已行趙不可與秦作難必莫受馮亭十七邑也

其政行不可與為難必勿受也王曰今發百萬

之軍而攻踰年歷歲未得一城也今以城市邑

十七幣吾國

正義曰馮亭將十七邑入趙若幣帛之見遺此大利也

此大利也

趙豹出王召平陵君與趙禹而告之對曰發百

萬之軍而攻踰歲未得一城今坐受城市邑十

七此大利不可失也王曰善乃令趙勝受地告

馮亭曰敝國使者臣勝敝國君使勝致命以萬

戶都三封太守

正義曰爾時未合言太守至漢景帝始加太守此言太衍字也

千戶

都三封縣令皆世世為侯吏民皆益爵三級吏



民能相安皆賜之六金馮亭垂涕不見使者曰  
吾不處三不義也為主守地不能死固不義一  
矣入之秦不聽主令不義二矣賣主地而食之  
不義三矣趙遂發兵取上黨漢書馮奉世傳曰趙封馮亭為華陵君與趙將  
括距秦戰死於長平宗族由是分散或在趙在趙者為官師  
將官師將子為代相及秦滅六國而馮亭之後馮無擇馮去  
疾馮劫皆為秦將相焉漢興馮唐即代相之子也上黨記云馮亭家在壺關城西五里

廉頗將軍軍  
長平正義曰括地志云長平故城在澤州高平縣西三十一里即白起敗括於長平處七年廉  
頗免而趙括代將秦人圍趙括趙括以軍降卒  
四十餘萬皆阬之王悔不聽趙豹之計故有長  
平之禍焉王還不聽秦秦圍邯鄲徐廣曰在九年武垣

令徐廣曰河間有武垣縣本屬涿郡。正義曰括地志云武垣故城今瀛州城是也。傅豹王容

蘇射率燕眾反燕地正義曰武垣此是屬趙與燕接境故云率燕眾反燕地也。趙

以靈丘正義曰括地志云靈丘蔚州理縣也。封楚相春申君八年平

原君如楚請救還楚來救及魏公子無忌亦來

救正義曰魏公子傳云趙王以鄒為公子湯沐邑年表云九年公子無忌救邯鄲圍在九年其文錯誤耳。秦

圍邯鄲乃解十年燕攻昌壯徐廣曰一作社。正義曰壯字誤當作城括地

志云昌城故城在冀州信都縣西北五里此時屬趙故攻之也。五月拔之趙將樂乘慶

舍攻秦信梁軍破之徐廣曰年表云新中軍也。正義曰信梁秦將也。正義曰信梁蓋

王齒号也秦本紀云昭襄王五十年王齒從唐拔寧新中軍  
新中更名安陽今相州理縣也年表云韓魏楚救趙新中軍

秦兵罷太子死徐廣曰是年周赧王卒或者太子云是也。天子乎。索隱曰趙太子也史失名。而

秦攻西周拔之徒父祺出索隱曰徒父趙大夫名祺正義曰趙見秦拔西周

故今徒父祺將兵出境也十一年城元氏地理志常山有元氏縣正義曰元氏趙州縣也

縣上原武陽君鄭安平死徐廣曰故秦將降趙也收其地十

二年邯鄲屠燒徐廣曰庫廡之名音膾也索隱曰屠積芻蕘之處為火所燒也十四

年平原君趙勝死索隱曰年表在十五年十五年以尉文封

相國廉頗為信平君索隱曰尉文蓋地名或曰尉官文名謂以尉文所食之地以封廉頗

也古文質略文省耳正義曰尉文蓋尉州地也信平廉頗号也言篤信而平和也燕王令丞相

栗腹約驩以五百金為趙王酒還歸報燕王曰

趙氏壯者皆死長平其孤未壯可伐也王召昌

國君樂間而問之對曰趙四戰之國也其民習

兵伐之不可王曰吾以眾伐寡二而伐一可乎

對曰不可王曰吾即以五而伐一可乎對曰不

可燕王大怒羣臣皆以為可燕卒起二軍車二

千乘栗腹將而攻鄒卿秦將而攻代索隱曰二人皆燕將姓名

廉頗為趙將破殺栗腹虜卿秦樂間正義曰三人皆燕將姓名也

十六年廉頗圍燕以樂乘為武襄君正義曰襄舉也上也言樂

乘功最十七年假相大將武襄君攻燕圍其國十

八年延陵鈞徐廣曰代郡有延陵縣率師從相國信平君助

魏攻燕秦拔我榆次徐廣曰在太原三十七城十九年

趙與燕易土索隱曰音亦謂與燕換易縣也以龍允正義曰括地志云北新城故城

在易州遂南城縣西南二十里按遂城縣西南二十五里有龍山邢子勳趙記云龍山有四麓各有一穴大如車輪春風出東北秋風出西夏風出南冬風出北不相奪倫按蓋謂龍允也

**汾門** 徐廣曰在北新城。出北不相奪倫按蓋謂龍允也。正義曰括地志云易州永樂縣有徐水出廣昌嶺三源竒發同瀉一澗流至北平縣東南歷石門中俗謂之龍門水經其間奔激南出解石城井蓋汾字誤也遂城及臨樂。徐廣曰方城有臨鄉。正義永樂安新城縣地也。臨樂。徐廣曰括地志云臨鄉故城在幽州同安六。與燕燕以葛武陽。徐廣曰括地志云葛城在高陽。正義十七里也。與燕燕以葛武陽。徐廣曰括地志云葛城在高陽。正義各西河城在瀛州高。平舒。徐廣曰在代郡。正義曰括地陽縣西北五十里。平舒。徐廣曰在代郡。正義曰括地北九十里也。與趙二十年秦王政初立秦拔我晉陽二

十一年孝成王卒廉頗將攻繁陽。徐廣曰在頓丘。正義曰括地志云繁陽故城在相州內黃縣東北二十七里應劭云繁水之北故曰繁陽也。取之使樂乘代之廉頗攻樂乘樂乘走廉頗亡入魏子偃立是

為悼襄王悼襄王元年大備。徐廣曰一作脩。正義曰謂行大備之禮也。魏欲通平邑中年之道不成。正義曰平邑在魏州昌汾陰縣西五十八里有中年山按中年山之側。二年李牧將攻燕拔武遂方城。徐廣曰武遂屬安平。正義曰括地志云易州遂城戰國時武遂城也方城故在幽州固安縣南十七里時二邑皆屬魏欲渡黃河作道相通遂不成也。秦召春平君因而留之。泚鈞。正義曰姓名。為之謂文信侯曰春平君者趙王甚愛之而即中妒之故相與謀曰春平君入秦秦必留之故相與謀而內之秦也。今君留之是絕趙而即中之計中也。君不如遣春平君而留平都。正義曰輿地理志云平都縣在今新興郡與陽周縣相近也。春平君者

言行信於王王必厚割趙而贖平都文信侯曰

善因遣之徐廣曰年表云太子從質秦歸城韓臯三

年龐煖將攻燕禽其將劇辛四年龐煖將趙楚

魏燕之銳師攻秦最徐廣曰在新豐不拔移攻齊取饒

安徐廣曰在渤海又云饒屬北海安屬平原五年

傳抵正義曰上音付下將居平邑慶舍將東陽正義

河外師守河梁正義曰河外河南岸魏州地也六

年封長安君以饒正義曰即饒陽也瀛州饒陽縣東二

魏與趙鄴九年趙攻燕取狸陽城正義曰按燕

字誤當作漁陽故城在檀州密雲縣南十八里燕漁陽郡城也按趙東界瀛州則檀州在北趙攻燕取漁陽城兵

未罷秦攻鄴拔之徐廣曰今饒陽在河間又悼襄王

卒子幽繆王遷立幽繆王遷元年徐廣曰又云潘

王丹生悼襄王偃偃生今王遷年表及史考趙遷皆無謚

索隱曰徐廣云王遷無謚今惟此獨稱幽繆王者蓋秦滅趙

之後人臣竊追謚之太史公或別有所見而記之也城柏人二年秦攻武城徐

曰年表云秦敗武平陽徐廣曰扈輒率師救之軍敗死焉三年秦攻

赤麗宜安正義曰括地志云宜安故城在李牧率師

與戰肥下正義曰括地志云肥累故城在恒州橐城却

之封牧為武安君四年秦攻番吾正義曰上音婆

括地志云蒲吾城在恒州房山縣東二十里也李牧與之戰却之五年代地

大動自樂徐以西徐廣曰徐北至平陰正義曰樂徐

在汾也臺屋墻垣大半壞地圻東西百三十步正義

曰其圻溝見在亦在六年大飢民謠言曰趙為號秦

晉汾二州之界也為笑以為不信視地之生毛七年秦人攻趙趙

大將李牧將軍司馬尚將擊之李牧誅司馬尚

免趙忽及齊將顏聚代之趙忽軍破顏聚亡去

以王遷降正義曰淮南子云趙王遷流於陵房思故鄉

云趙王遷墓在房州房陵縣西九里也

八年十月邯鄲為秦

太史公曰吾聞馮王孫曰趙王遷其母倡也徐廣

曰列女傳曰嬖於悼襄王悼襄王廢適子嘉而立

遷遷素無行信讒故誅其良將李牧用郭開豈

不謬哉秦既虜遷趙之亡大夫共立嘉為王王

代六歲秦進兵破嘉遂滅趙以為郡

索隱述楚昌曰

趙氏之世 與秦同祖 周穆平徐

乃封造父 帶始事晉 夙初有土

岸賈矯誅 韓厥立武 寶符臨代

卒居伯魯 簡夢翟大 靈歌處女

胡服雖彊 建立非所 頗牧不用

王遷囚虜

趙世家

○史記卷之四十三



